





## КОНДАКЪ 1

**И**збранная седмирице, во еже о ней хвалити Бога во вся дни жизни нашея, святии мученицы царственнии, оумолити Судию грознаго и неумытнаго, грядуща судити живымъ и мертвымъ, да седмижды седмдесять ослабитъ, оставитъ всемъ поющимъ вамъ: Радуйся, радости седмицветная, завете спасения русскаго въ покаянии.

## ИКОСЪ 1

Ангели Божии есте, оускоряющии исхождение наше отъ котловъ египетскихъ, отъ радостей потопныхъ, отъ рожець



свиний: о святнии мученицы рода царского: послани ныне есте роду нашему Царство приблизившееся возвестити, отъ покаяния приемля ны во своя си, Русь Святую Небесную, идеже оуповаемъ пети о васъ:

Радуйся, царю Николае, Христомъ Богомъ царствующий; радуйся, имже отечества Небеснаго и земнаго сподобляемся. Радуйся, милосердая царице Александро Новая, страданьми твоими струпы греховные наши обязующая; радуйся, царевичу Алексие, защитниче теплый целомудрия. Радуйся, мудрая дево царевно Ольго, невеста святая Руси Святой; Радуйся, мудрая дево царевно Татиано, погубившая душу, обретшая ю. Радуйся, мудрая дево царевно Марие, мирносице новая повапленнымъ нашимъ сердцамъ; радуйся, мудрая дево царевно Анастасие, веселие вечное надъ главами нашими. Радуйся, седмерице трубъ рожаныхъ, вострубите, во еже падеть вознесенная наша гордыня.

## КОНДАКЪ 2

Видящи святые мерзость заустения на месте Руси Святой вяще неже седмдесять летъ, себе же самехъ поносимыхъ, иждиваемыхъ, всяцемъ злымъ глаголомъ реченныхъ ради Христа даже до днесь, Господи: вопиють Спасу: не просимъ тебе седмь разъ простити ихже не ведають, что творять, но якоже рекль еси Петру, да и тии поють: Аллилуиа.

## ИКОСЪ 2

Разумъ недоразумеваемый разумети ересь саддукейская аще ищеши поныне, главному догмату православия не верующи, зри оубо тацехъ седмь, кийждо отъ нихъ есть венець Руси, законные бо обладатели земли и народа соуть, обаче блудодействова земля и народъ отъ Закона Божия: аще ли гладствовавши въ себе приидеть, сице зовущи: Радуйся, царю Нико-

лае, царскую диадиму мученическимъ венцемъ оуяснивый; радуйся, воиномъ Христовымъ до гроба бывый. Радуйся, царице Александро Новая, мудрость любовью о Христе свидетельствуй; радуйся, царевичу Алексие, иже яко овча на заколение ведеса. Радуйся, царевно Ольго, въ годину буйхъ мрачныхъ дней дивно процветшая; радуйся, царевно Татиано, матери твоея неизреченная таиннице. Радуйся, царевно Марие, бдящая на молитве за ночь России несветлую; радуйся, царевно Анастасие, радости ангеловъ. Радуйтесь, семь, имущие обладати Россиею, иже яко ангели на Небесехъ, бывшие ей на земли.

### КОНДАКЪ 3

Сила Вышняго осени тогда яко едиными оусты глаголати царственныхъ мучениковъ: Русские есмы, и хотениемъ восхотели есмы оумрети въ России, егда самое имя сие постыднымъ непщуется даже до днесь въ стране нашей: якоже семь оубо зеренъ, падъ въ землю нашу, семь тучныхъ класовъ питающихъ ны паче неже седмдесятъ бесплодныхъ летъ, подали есте намъ, поющимъ: Аллилуа.

### ИКОСЪ 3

Имуще Богоприятные камени во время оно Господь, языцы, во тьме и сени смертной сидящи, чада Аврааму соделалъ есть: обаче и самое камение разседеса, не терпя страданий Христовыхъ: да не возлаголемъ ныне: чада есмы отца всехъ русскихъ, отца имама царя Николая, аще не творимъ плодъ достоинъ покаяния, поюще:

Радуйся, царю Николае, готовое наше покаяние; радуйся, каменные сердца наша пременяя на плотяныя. Радуйся, царице Александро Новая, на царстве юродою сущая; радуйся, царевичу Алексие, всесожжение за грехи народа твоего. Радуй-

ся, царевно Ольго, рай изгибшего отечества нашего; радуйся, царевно Татиано, радующаяся, идеже мы ропщемъ.

Радуйся, царевно Марие, любящая любвеоставленныхъ; радуйся, царевно Анастасие, радости безрадостныхъ. Радуйтесь, имиже, аще седмици на день согрешаемъ, седмици на день обращающихся приемлетъ ны Господь.

## КОНДАКЪ 4

Бурю внутрь имея помышлений соумнительныхъ о царственныхъ мученикахъ некий писатель житий святыхъ, оузревъ семь струй мура точащу икону царя Николая, принесе теплое покаяние: прочее слышимъ евангельский гласъ: и аще кто отъ мертвыхъ воскреснетъ, не имутъ веры. Мы же царственнымъ муроточцамъ поемъ: Аллилуа.

## ИКОСЪ 4

Слышаша архипастырие соборнии перваго среди равныхъ, глаголюща: аще кто непщуетъ нужно быти царю прославлену, да потщится возстати: вси оубо последоваша возставшу ему: Полнотою Церкви Небесной и Земной совершившуся, вси поютъ мученикомъ царственнымъ:

Радуйся, царю Николае, послушания отча никогдаже бежавый; радуйся, волю Отца Небеснаго всегда разумевый. Радуйся, царице Александро Новая, правды токмо Христовой алкавшая; радуйся, царевичу Алексие, отроковъ о чистоте непреклонная дерзосте. Радуйся, царевно Ольго, боящаяся огорчити отца огорчениемъ ближнихъ его; радуйся, царевно Татиано, не испытующая, но испытуемая. Радуйся, царевно Марие, яко и ты еси во бранехъ помощнице намъ; радуйся, царевно Анастасие, радости целая отроковиць невестныхъ. Радуйтесь въ Церкви Седмисоборней, собирая овцы Единому Пастырю.

## КОНДАКЪ 5

Боготечнии звезды есте, звезде Вифлеемстей подобяся: седмицею оумножая светолитие надъ хладнымъ и темнымъ вертепомъ, иже ныне весь миръ есть: аще ли не паки Грядущему со славою сияете, пристрашно вопиющи: Се Женихъ грядеть, Аллилуиа.

## ИКОСЪ 5

Видяще отроцы седмь во Эфесе, иже о Максимилиане, посмеявающияся ереси саддукейской о еже не быти воскресению: аще несть воскресения, вся дозволена соуть: оузримъ же и седмь царственныхъ, ратуемыхъ даже доныне: брань же сия истинное есть оуверение вечныя жизни ихъ во Христе: да не оуслышимъ, иже все слышать не почитающие царей въ Неделю Православия, да присно поемъ о царехъ:

Радуйся, царю Николае, пастырю добрый народа русскаго; радуйся, имже открываются помышления многихъ сердець. Радуйся, царице Александро Новая, семей во Христе охранительнице; радуйся, царевичу Алексие, возсиявый во время посещения твоего. Радуйся, царевно Ольго, ведущая матернее въ девстве твоемъ; радуйся, царевно Татиано, послушнымъ духовный слухъ отверзающая. Радуйся, царевно Марие, изми нозе мои отъ поползновения; радуйся, царевно Анастасие, радости всехъ поющихъ тебе. Радуйтесь, иже яко седмь агнецевъ непорочныхъ единолетнихъ, всесожжение Богу приятно оустройте души наша.

## КОНДАКЪ 6

Проповедницы Богоноснии бывше седмь седмицею летъ святии царственнии мученицы: вами бо вопияль есть Спасъ Всемиловитый: милости хошу, а не жертвы: беззаконне мило-

вали сиротъ и вдовицъ чрезъ все житие ваше: юбилейному году наставшу, незаконне субботствующихъ милуете страшно, ихъ жертвоприношению соизволяя, аще ли ни останокъ покается, вопиюще о царехъ Богу: Аллилуиа.

## ИКОСЪ 6

Возсиявый во Египте новомъ просвещение тьмы, паки иже о Иосифе изобразуеши намъ: седмью хлебами лепоты дивной насыщаеши тысящи гобзующихъ: яко седмью тучными годами избыточествуеши седмидесяти летомъ бесплоднымъ: въ дому Отца моего наемники колицими избыточествуютъ хлебы: призывая вопити насъ, гладствующихъ на чуждей стране, да воспоемъ седмерице царственной:

Радуйся, царю Николае, столпе веры православныя; радуйся, твердое Церкве ограждение. Радуйся, царице Александро Новая, сестра милосердная народа твоего; радуйся, Алексие, новый царевичъ оуглический. Радуйся, царевно Ольго, радующаяся воле отчей; радуйся, царевно Татиано, правило послушания. Радуйся, царевно Марие, жажду Небесныхъ даруй намъ; Радуйся, царевно Анастасие, радости жизни во Христе. Радуйся, седмичное погружение нееманово, очищение неисцельной гордыни нашей.

## КОНДАКЪ 7

Хотяй всемъ человекомъ спастися и въ разумъ истины прийти, многочастне и многообразне глаголетъ намъ Богъ мучениками царственными: аще восхощемъ молитися царю Николаю, всей семье молимся, седмерицею на всякъ день хваляще Господа: аще ли прильнемъ къ милосердой царице, абие седмь помазаний имамы духовныхъ: ко царевичу ли возопимъ, зримъ целокупно седмисвечникъ пресветлый: плачемъ ли Ольге, вси оубо седмь звездъ боготечныхъ кротце сияютъ намъ: смиряемъ

егда себе предъ Татианою: седмь даровъ Духъ Святой изливаетъ на насъ: бодрствуемъ ли со Мариею, шесть оубо дней творимъ волю Божию, да въ седмый Его покой обрящемъ: жительствуемъ ли въ Анастасии, истинно субботствуемъ воскресно: малая церковь есте, мученицы царственнии, седмотаинственно благодатствуя всехъ, поющихъ о васъ: Аллилуа.

## ИКОГЪ 7

Новые водоносы оуставляетъ Женихъ Небесный на браке Руси Святой: егда людие русские, оупившиися благоденственнымъ мирнымъ житиемъ, здравиемъ же и спасениемъ, и во всемъ благимъ поспешениемъ Божиимъ, благодарни быти не восхотели соуть, вращася, псомъ подобно, на язычество свое: тогда седмь оубо водоносовъ исполнилъ есть Христось даровъ благодати и истины, седмь святыхъ царственныхъ мучениковъ, дивящимся всемъ, како сберегъ Сый доброе сие вино до последнихъ дней, въ нихъ же оупоеваемии, поем:

Радуйся, царю Николае, кротце вся противый; радуйся, землю Русскую навеки наследовавый; радуйся, царице Александро Новая, яко тобою спасутся тысящи. Радуйся, царевичу Алексие, источниче благодати; радуйся, царевно Ольго, словесы чисты Бога о России молящая. Радуйся, царевно Татиано, вкушение сладости затворения; радуйся, царевно Марие, точащая воду животную изъ камене. Радуйся, царевно Анастасие, невинно страждущихъ Пасце причащающая; радуйся, благодать седмеричная, иже безплодны творить отцы множества.

## КОНДАКЪ 8

Странное о царственныхъ страсотерпцехъ видяще, яко едину имели велию скорбь, егда разлучатися семье: оубоимся Благолющего: иже Богъ сочета, человецы да не разлучать: возопиимъ Сочетателю всяческихъ о Семье во Христе: Аллилуа.

## ИКОСЪ 8

Весь бе въ нижнихъ, Христу последуя, страстотерпецъ свя-  
тый царь Николай, даже до ада малое стадо съ собою ведый:  
никогдаже стремился властвовать, обаче двадесять и три года  
твердо кормилъ есть кораблець русской державы: веруя въ ха-  
ризму свою, смирился до оумаления славы ея: любящий жену и  
детей, монахъ былъ готовъ стати: наконецъ же отречение Рос-  
сии любовью покрылъ есть, и ныне ведещи семью на заколе-  
ние, въ снѣдь алчущимъ любви желая принестися, пепель паде-  
ний нашихъ растворяя виномъ неотступнаго отцовства твоего,  
плачущимъ и рыдающимъ намъ сице:

Радуйся, царю Николае, всякую болезнь врачуяй; радуйся,  
изъ тьмы кромешной и топи изводяй. Радуйся, царице Алек-  
сандро Новая, оупокоение страждущихъ; радуйся, царевичу  
Алексие, веселие беспомощныхъ. Радуйся, царевно Ольго, оу-  
тешающая отечестволюбцевъ; радуйся, царевно Татиано, да-  
видствующая противу голиафа западнаго. Радуйся, царевно  
Марие, неверныхъ гласа совестнаго слышание; радуйся, царе-  
вно Анастасие, радости, смерть попирающая. Радуйтесь, мак-  
кавен новые: аще ли в седмех покаемся.

## КОНДАКЪ 9

Всякое естество ангельское оудивися, зряще таинство седми  
звездъ, иже ангели церкви и земли русския, полноту благодати из-  
ливая коемуждо кающемуся сердцу, иже милися плачетъ: Аллилуиа

## ИКОСЪ 9

Ветия многовещанная двадесять и три степени низу непщу-  
ють царствие ваше: мы же схождение страшное празднуемъ,  
царственный воистинну оубо кенозись христоподражательный,  
паки зряще лествицу наковлю, и седмь оубо ангелы Божиин,  
иже сходятъ по ней къ немощнымъ нашимъ мольбамъ, и воз-

носятъ сии ко престолу Славы, всемъ поющимъ о нихъ:

Радуйся, царю Николае, новыя страны народомъ русскимъ населивый; радуйся, яко сей народъ твой злобой немствующихъ победилъ есть. Радуйся, царице Александро Новая, являясь, аки служащая; радуйся, царевичу Алексие, суемудрыя студа исполняй. Радуйся, царевно Ольго, по покаянии любви благовествующая; радуйся, царевно Татиано, бремя немоты нашея молитвой облегчающая. Радуйся, царевно Марие, моления детские исполняющая. радуйся, царевно Анастасие, радости наедине предстояния Христу. Радуйтесь, семь, иже яко седмдесятъ толковниковъ, истолкуйте ны благоприятне на Суде.

## КОНДАКЪ 10

Спасти хотя миръ, иже всехъ Оукраситель, семь оубо тинствъ въ Церкви своей положилъ есть: велию тайну предлагаетъ Богъ намъ царственною седмерицею, за еже спастися Израилю Новому, останку Руси Святой, семи оубо тысящамъ, не преклоньшимъ колена передъ ваалами и астартами, седмерицею поюще: Аллилуиа.

## ИКОСЪ 10

Стена огустевшихъ водъ есть страдания ваша, мученицы царственные, мы же немокренно преходимъ житейское море, моляся вамъ, выну зря дугу седмицветную предъ собою, Господеви поемъ: славно бо въ васъ прославися:

Радуйся, царю Николае, стено неборимая Церкви Христо-вой; радуйся, мира всего зло оудерживаяй. Радуйся, царице Александро Новая, защитнице российская; радуйся, царевичу Алексие, тепле кающимся целомудрие возвращаяй. Радуйся, царевно Ольго, остененная всехъ девъ стеной; радуйся, царевно Татиано, гласъ хлада тонка непщующимъ о царе. Радуйся, царевно Марие, текущая на гробъ России четверодневной; ра-

дуйся, царевно Анастасие, радости нееманова седмерицная. Радуйтесь, стены иерусалимския послеплененныя, доме, иже со-  
здаль есть Господь.

## КОНДАКЪ 11

Пение всякое наше побеждается пениемъ вашимъ, иже яко седмь священницы съ седмью трубы рожаны седмерицею об-  
ходите вознесенный оплотъ самозданной темницы нашей: аще ли не падеть страстный сей иерихонъ? Мы же чающе свободи-  
теся во Христа, поемъ: Аллилуиа.

## ИКОСЪ 11

Светоприемный седмисвещный светильникъ зримъ муче-  
никовъ царственныхъ, седмь цветовъ радости послепотопной  
облиставающихъ нам: идеже преподобноцветень есть царь  
Николай, и въ темнаго пурпура ризахъ Новая Александра-ца-  
рица, мученикъ же царевичъ Алексий Димитрию-царевичу и  
Гавриилу Белостоцкому цветомъ подобень, тамо голубицею ца-  
ревно Ольга, и въ небесныхъ цветахъ царевна Татиано, иже  
благую часть избра, царевна же Мария златосиянно просве-  
щаетъ насъ, и юнотка царственная Анастасия, яко пламень ог-  
ненный: преклоньшии лица на землю, и боящияся, обаче по-  
емъ сице:

Радуйся, царю Николае, чашу горькую въ народа место  
испивый; радуйся, яко Пасха русская явился еси. Радуйся, ца-  
рица Александро Новая, верная России въ Бозе даже до  
смерти; радуйся, царевичу Алексие, сострадание точащий. Ра-  
дуйся, царевно Ольго, еюже просвещаетъ царь тьму нашу; ра-  
дуйся, царевно Татиано, благословение домомъ. Радуйся, ца-  
ревно Марие, разстоящияся любовию сочетающая; радуйся,  
царевно Анастасие, радости Всехитреца Господа. Радуйтесь,  
седмь свещниковъ огненныхъ, горящихъ предъ престоломъ  
Троицы Святой.

## КОНДАКЪ 12

Благодать дати восхотевъ преизбыточествующую шестью денми творить миръ Господь, седмый же день благословляетъ, за еже освятити его: седмерица же царственная дадеся намъ, во еже освятити людие свои покаяниемъ, имиже новотворить Богъ насъ людие быти паки, иже сташа персть и гной, за еже спастися поюще: Аллилуиа.

## ИКОСЪ 12

Поюще коемуждо отъ васъ, всякия беды и напасти, паче же оуныния и отчаяния избавляемся, поюще же собору вашему, якоже соборне помазуемся елеемъ святымъ, аки певаемы отъ васъ, мняще зрети васъ сице:

Радуйся, царю Николае, всякое прошение исполняй; радуйся, помощниче прежде прошения нашего. Радуйся, царице Александро Новая, еяже слава вся внутрь есть и донине; радуйся, царевичу Алексие, веры истинныя оуверение. Радуйся, царевно Ольго, на всякое время и часъ сходя въ купель покаяния нашего; радуйся, царевно Татиано, яко во аде довлела есть ти любви Христова. Радуйся, царевно Марие, елеоподательнице девамъ оуродивымъ; радуйся, царевно Анастасие, манно веселия въ пустыни житейской. Радуйся, соборе елеофорный, помазуяй язвы наши седмерицею.

## КОНДАКЪ 13

О святыя семь ветвей чудоточной Христовой лозы, яко семь даровъ Приснопокланяемого Духа Святаго точащия намъ, отъ нихъ же Духомъ Страха Божия аще ли не сияеть намъ царь Николай, и испускает лучи Духа Благочестия Новая Александра царица: Духъ же Разума о Христе стяжаветь для насъ цесаревичъ многострадальный Алексий, Ведениемъ светится Ольга, и Советомъ Татиана: Крепостию блистаетъ Мария: Духа Премудрости каплетъ намъ царевна Анастасия, це-

локупно же зримы соуть седмь златыхъ огней седмисвещника алтарнаго, просвещая и освящая поющихъ о вас: Аллилуиа.

Сеи кондакъ глаголи трижды, и паки первый икось и первый кондакъ.

## МОЛИТВА

О освященный соборе святыхъ мучениковъ царственныхъ! Кийждо отъ васъ непреложно есть изряднейший чудотворецъ и целебникъ: аще ли одинаго отъ васъ призываемъ во обстоянняхъ, веруемъ абие спасены быти за любовь вашу ко Христу Богу нашему. Обаче тяжкие соуть яко никогдаже прежде греховныя немощи наша: отступление наше аще ли не падение превратися: самая воля ко спасению оуже поразилася, и не вемы, что есть спасение, довольнии есмы египетствомъ нашимъ.

Темже, неспособнии принести истинное совершенное покаяние, изнемогшии теломъ и душею, не могущие исповедать срамные наши грехи, иные же и забвенные соуть, паки же и исповеданные тяжкие грехи наша, отъ юности и отъ науки злы, донныне терзають совесть нашу, къ вамъ вопиемъ изъ глубины смрадной нашей темницы: о освященный соборе царственный! Веруемъ, яко седмочисленному составу вашему даде Господь Богъ туюжде благодать, якоже и въ таинстве елеопомазания: освятите оубо молитвою вашею ны, немощные, отпустите греси наши и очистите совесть отъ всякия скверны: да облегчаеми предстательствомъ вашимъ, вперени будемъ къ небеснымъ,

идеже вы присно славите Безначальнаго Отца со

Присносущнымъ Его Сыномъ и со Пресвя-

тымъ и Благимъ и Животворящимъ

Его Духомъ, всегда ныне и

присно, и во веки ве-

ковъ, аминь.

[www.tezaurliturgic.ro](http://www.tezaurliturgic.ro)

Фонд Святителя Иоанна Шанхайского и Сан-Францисского  
Чудотворца, Россия, Москва.  
Тел/ факс: (095) 280-12-80

[info@adamovka.ru](mailto:info@adamovka.ru)